

Mfantse

Year 1

3FA

7

KUSUM NDZEYEE NA AMAMBU



KUSUM NDZEYEE NA AMAMBU

Kusum Ntɔyee Na Amambu

NYIENYIM

Dem fa yi kyere mbre Ghana kusum na amambu tse. Okyerɛkyere kusum na amambu mu edzibewdzifo hɔn dwumadzi na hɔn bo a wɔsom.

Adzesua no bɔko ewiei no nna osuanyi no tum;

1. ye kusum amambu mu nhwehwemu. (egya, Fibobow mu panyin, ebusuapanyin)
2. ye kusum amambu mu nhwehwemu. (ahemfo, ahemfo nkakraba, esihemfo)

Nsentsitsir

- Egya adzedzi (Egya potsee bi n'ebusua) mu no, egya na ɔye ebusua no ne tsir.
- Wɔfa anaa Na adzedzi mu no, ɔtɔfabi a, na no tum ye ebusua no ne tsir.
- Ebusua mpanyimfo ye mpanyimfo a ebusua mu baanodzifo anaa apamfo yi no.

KUSUM AMAMBU NHYEHYEE

Hwehwe kusum amambu nhyenhyee mu (egya, ebusua ne tsir, ebusuapanyin).

Kusum Amambu

Kusum Amambu ye amambu a ogyina tsetse mpanyimfo hɔn adwen na kusum do. Kusum Amambu a ɔwɔ hɛn nkurow ahorow mu no wɔ nhyehyee soronko bi a ogyina dzibew do. Wɔahyehye no ndzidzido ndzidzido. Kasakuw biara na nedze naaso bi dzi nse.

Ebusuabo mu amambu nhyehyee

Ghanaman mu no, kasafua *ebusua* gyina ho ma yer, kun na (m)ba anaa ebusua tsentsen a nanabanyin na nanabasia, wofanom, nanom, nwofaasefo, nananom nye afofor bi ka ho. Iyi mu no, amambu nhyehyee no fa egya, ebusuapanyin, ahemfo, ahemfo nkakraba, esihenfo, amanhen na hon a wokeka ho.

Ndwendwenho dwumadzi

Hom efiefi amambu nhyehyee tse den? Woana na oda hom ebusua a nye yer, kun na mba no ano?

Woana so na oda hom ebusua tsentsen no ano? Eka ebusua no ho a?

Ebusuabo mu Amambu Nhyehyee pon

Iyi ye dzibewdzi atwer a okyere mbre woesi ahyehye edzibewdzifo na dom a wohye hon ase nye hon dwumadzi. Efiefi mu amambu nhyehyee pon tse de mbre owo ase ha yi.




Fig7.1: Oman mu Ebusuabo mu Amambu Nhyehyee pon

1. **Ebusuapanyin:** Ebusua ye nyimpakuw bi a woye obaatan bi n'asefo. Ebusua bi wo ho a, dzin kor na oda no mu mba no do a oda no edzi de hon nyinara wofi panyin bi ase. Ebusua bi mu mba taa da su potsee bi edzi. Wotum mpo dzi nse wo kwan bi do. Nyimpa a oda dem dom yi ano no na wofre no **ebusuapanyin** no. Beebi wo ho a, ebusua no nyinara hyia na woyi dem nyimpa no de hon ebusuapanyin. Beebi so wadan ma nyimpa potsee bi.
2. **Fibobow mu panyin:** Efiefi ahorow mu mba na wobow mu bo ebusua a woyi ebusuapanyin no. Dem efiefi yi na yeto de yefre hon fibobow no. Dem nkorofa yi taa ye ebusua tsentsen mu mba. Panyin a fibobow biara yi no

de ɔnda dem dɔm no ano no wɔfre no *fibobow mu panyin*. Hɔn dzwumadzi nye de wɔhwe fibobow no mu mba no do na wɔsan boa ma asomdwee ba fibobow nkaa no mu. Afei, ɔwɔ de wɔda baanodzi su edzi. Mbanyin na wɔtaa yi hɔn de ebusuampanyimfo.

3. **Egya :** Se kun, yer na mba tse fie a, kun no a ɔye mbofra no hɔn egya no nye nyia ɔda hɔn ano. Egya no dwumadzi nye de ɔhwe ma ɔnye yer na mba nya dza wohia wɔ abrabɔ mu.

Dwumadzi:

Ebusuapanyin ekyir wɔ nhyehyee kwan do no, woana na odzi hɔ a ɔwɔ tum? Fibobow mu panyin anaa egya a? Kyerekyere mu.

Ebusuabɔ mu mpanyimfo hɔn dwumadzi

Ebusuapanyin:

- i. ɔye ebusua mu no nyiara hɔn tsembuafo
- ii. ɔno na onyim ebusua no n'abakɔsem yie na ɔhwe bɔ ho ban.
- iii. ɔbɔ ebusua no ne ndzeyee na ne nhyehyee ho ban.
- iv. ɔbɔ ebusua nsaase na egyapadze nkaa ho ban.
- v. ɔhwe de ebusua no mu mba betsetse nkyirmba wɔ kwan pa do.

Fibobow mu panyin:

- i. ɔbɔ fibobow no mu mba ho ban fi ɔhaw ahorow ho.
- ii. ɔhwe ma no dɔm no nya asetsena pa.
- iii. ɔhwe ma asomdwee ba no dɔm no mu.
- iv. ɔhwe fibobow no n'egyapadze tse de nsaase, efie fi na adze do.
- v. ɔhye siesie fibobow no mu mba ntamu akasakasa.
- vi. Ogyina fibobow no mu mba no ananmu wɔ ɔman no mu nye guabɔ biara ase.
- vii. Osi egyinae pa wɔ nsusuho mu ma fibobow no mu mba no.

Egya:

- i. ɔhye mbra na ɔhwe ɔnye yer na mba no dzi.
- ii. ɔhwe ma no dɔm no nya beebi da na ɔbɔ hɔn ho ban so.
- iii. ɔhwe de oibara benya apɔwmudzen dze enyin yie.
- iv. ɔkyere abrabɔ mu kwan pa a wɔfa do a obesi hɔn yie.

- v. Ohwe ma no don no nya edziban dzi.
- vi. Obɔ bra a obeye nhwedo pa ama afofor.

Dwumadzi 7.1

Kyerɛ ebusuapanyin no dwumadzi ebiasa.

Dwumadzi 7.2

Kyerɛ wo kurom ebusuabɔ nhyehyee na hwehwe ne mfaso.

Dwumadzi 7.3


Fa no de eye fibobow mu panyin. Enye w'anyenkofo nye dyekyerɛ mfa nkyerɛ mbre ibesi esiesie beenu bi ntamu akasakasa a ɔfa kaw a kor dze kor ho. Anyenkofo no bedzi dwuma de ebusuafɔ nkaa no. Ma w'adwen nkɔ fibobow mu panyin no dwumadzi do.

Dwumadzi 7.4

Ana egye to mu de, kusum amambu nhyehyee ho da ho hia? Kyerɛkyerɛ mu.

Kusum Amambu mu edzibewdzifo no hon nhyehyee

Kusum Amambu mu edzibewdzifo no hon nhyehyee na aka do yi.



Iyinom ekyir no, yewɔ asafomba, farhen, ebusuampanyimfo, fibobow mu mpanyimfo.

Omanhen

Amanhen ye edzibewdzifo a wɔdɛda nyimpakuw a wɔtɔ dɛ wɔka kasa kor tse dɛ Gomoa, Agona, Ekumfi na dze. Mpen pii no, yetum nya amanhemfo dodow bi wɔ kasakuw kor mu. Wɔye edzibewdzifo a hɔn tum krɔn sen ahemfo nkaa no nyina. Dem dzibewdzi yi fi wɔfa adzedzi anaa egya adzedzi mu. Iyi gyina bea no do. Omanhen biara wɔ n'egwadzin. Mfatoho: Oguaa mahen dze Osabarimba, Efua Ajumako manhen dze Okokodurfo, Anwona mahen dze Fiaga, Yaa naa ye dagomba mahen no nwoma dzin.

Omanhen no Dwumadzi

- i. Ono na oman mu no nyinara nye nkurow na nkuraase pii hye ne nsa.
- ii. Ohwe ye n'asedze wɔ guabɔ biara ase dɛ mbre ɔfata.
- iii. Ono na bea no do nsaase nyina hye ne nsa.
- iv. Obɔ amandze na amambra ho ban.
- v. Ohwe ma no nkorɔfo nya mpontu.
- vi. Odzi amanyesem na sikasem ntotoe a ɔwɔ ne man no mu ho nsem.
- vii. Oye egua no ho amandze.
- viii. Ohye mbra ma ahemfo nkaa no dzi do.

Ahemfo nkakraba

Dem ahemfo yi mu bi ye ahemfo a wɔye ahemfo nkakraba a hɔn nyinara hyehye omanhen no ase. Wɔwɔ nkurow nkraba a wɔhwe do. Iyi ye adzedzi a woegyina wɔfa adzedzi anaa egya adzedzi do ahyehye ato ho dada.

Omanhen n'apamfo hɔn dwumadzi:

- i. Wotum si omanhen no anan mu ber a omanhen no nnyi ho.
- ii. Wɔhwe dɛ ewurkadze nnkɔkɔ do wɔ oman no mu.
- iii. Wodzi asem ma perper ye edwuma.
- iv. Wɔbɔ nsaase ho ban.
- v. Wɔhwe ma asomdwee ba.
- vi. Wɔye egua no ho atɔrmuadze na wodzi enyim ma wɔpa mbusu.

Mbaahembaa

Mbaahembaa ye mbasiafo hɔn sunsum mu baanodzifo na enyimdzifo a wɔbɔ abakɔsem ho ban. Wodzi dwuma soronko dze bɔ mbaa ho ban. Sɛ egua tɔ pan wɔ wɔfa adzedzi mu a, obaahembaa na ɔka a obi nnka bio wɔ nyia wobesi no ohen ho ber a edzin ahorow abɔtɔ gua. Wotum so yi hɔn mbaahembaa nkakraba.

Bea biara na mbre wosi paw hɔn ahemfo.

Mbaahembaa hɔn dwumadzi

- a. Wodzi dwuma boa ahemfo wɔ amambu mu.
- b. Wodzi nsem a ɔfa mbaa na mbasiaba ho wɔ hɔn nkurow mu.
- c. Wodzi dwuma dze bɔ mbaa eyiedzi ho ban.
- d. Wogyina hɔn nyimdzee do ma amamfo no nkyerekyerɛ.

Esihemfo

Esihemfo yɛ nyimpakuw bi a wɔwɔ tum kɛse wɔ ɔhen ne nsii mu wɔ ebusuadehye no mu. Hɔnankasa dze, wonntum nnye ahemfo. Wohyia fa adwen kyere nyia ahendzi no edu no do ber a egua no atɔ pan.

Esihemfo Hɔn Dwumadzi

- i. Wosi ɔhen fofor.
- ii. ɔhen wu a, hɔn na wɔyɛ amandze.
- iii. Wotu ɔhen.
- iv. Wɔda ɔhen fofor no edzi kyere apamfo no na ɔman mu no nyinara.
- v. Wotu ɔhen no fo.

Dwumadzi 7.5

1. Kyerɛw dza inyim wɔ edzibewdzifo a wɔka do yi ho.
 - a. ɔmanhen
 - b. ɔmanhen n'apamfo
 - c. Esihemfo



Pon 7.2. ɔmahen na ahemfo kakraba a wɔtse baguamu.

2. Kyere mbre ɔmanhen no tse wo baguamu ho.
3. Ndzemba ben na ɔma ɔmanhen no da nsew wo baguamu ho?

Dwumadzi 7.7

- a. Ana egye to mu de ɔwo de woma kusum amambu ko do tsena ho? kyere wo ngyinado.

MBOBƆDO NSEMBISA

1. Woana nye yer, kun na mba ebusua mu baanodzinyi?
2. Kyere asɛdze ebien a ebɛpɛ dɛ w'egya dzi a yɛnnkaa no dada.
3. Kenkan dza ɔka do yi na kyere amambu mu edzibewdzifo no hɔn dzibew nhyehyee.


AKENKANSEM

Ansaana abaefor kabimamenkabi amambu robɔbɔ adze no, nna kusum amambu tse ase. Dem kusum amambu yi gyina nhyehyee soronko bi do. Hen nkuraase na nkurow nkakraba no mu no, ɔhen (ɔdzekurow) na n'apamfo wɔda nkurow ano. Hɔn na wɔfa kurow no ho adwen. Dza wɔhwɛ ho paaw dem mpanyimfo yi nye hɔn nyansaa, mpanyinye na hɔn suahu. Yeyi dem nkuroba yi mu ahemfo si nkyen a, yewɔ ahemfo a wɔkrɔn a hɔn nye amanhen. Hɔn na nna wɔhwɛ nkurow nkurow pii do siesie nsem na wɔhwɛ ma asomdwee tsena hɔ daa. Nna ɔmahen wɔ abaguafo a hɔn so wɔyɛ ahemfo a wotu no fo. Ɔwɔ dɛ ɔmahen n'adwen a ɔbɛfa biara yɛ dza ɔbɛyɛ mfaso ama ne mamfoe. Ɔmahen nye ahemfo mu panyin koraa a no tum bor nkaafo no nyinara hɔn dze do wɔ tumdzi nhyehyee pon no do. Ndzɛmba a dem kusum amambu hyehyee yi hwe kwan nye kabimamenkabi, obu na enyidzi a yɛdze ma mpanyimfo na mfaso a ɔwɔ hɔ dɛ ɔman no nyina bɛyɛ adwen kor.

4. Hom ndzi nkɔmbɔ mfa kusum amambu mu edzibewdzifo no hɔn dwumadzi ebiasa ho na hɔn bo a ɔsom ma amamfo no ho.

MBOBODO NSEMBISA HO NYIANO

1. Egya na ɔye baanodzinyi wɔ yer, kun na mba ebusua mu.
2. Egya no dwumadzi bi so nye iyi
 - a. ɔye kwankyerɛfo a obiara hwe no sua no.
 - b. Egya hwe ma wɔhyɛ mbra kyere asotwe a ɔwɔ ho ma nyia obobu do no ama oibara eedzi mbra do. ɔsan kyere mbofra hɔn asɛdze.
 - c. Egya ye ebusua mu bambɔfo wɔ akwanhorow nyinara mu.
3. Kusum amambu hyehyee pon



4. a. Ebusua mu edzibewdzifo hɔn dwumadzi bi na ɔka do yi.
 - i. Wɔper kurow no, no mpontu.
 - ii. Wɔhwe ma asomdwee ba ɔman no mu.
 - iii. Wɔhwe ma mbra na pɛpɛryɛ ye edwuma wɔ ɔman no mu.
 - iv. Wɔbɔ amambra na egyapadze ho ban.
 - v. Wɔbɔ bra pa dze pagya hɔn nkurow no.
 - vi. Wɔper mbasiafo hɔn yiedzi na hɔn kankɔ.
- b. Ebusua mu edzibewdzifo no bo a wɔsom
 - i. ɔnam edzibewdzifo no hɔn dwumadzi ntsi, ɔmamfo no tsena asomdwee mu.
 - ii. ɔmamfo no nya atsen tseneneɛ na pɛpɛryɛ wɔ asɛndzi mu.

- iii. Onam edzibewdzifo yi do ma ɔman no nya mpontu anaa kankɔ.
- iv. Edzibewdzifo no bɔ ɔmamfo no ho ban: sunsum mu na enyikan do.
- v. Edzibewdzifo bɔ kusum na amandze ho ban na wɔhwɛ ma wɔdan ma nkyirma.

EXTENDED READING

- Banggol, A.M. (2017). *Roles of traditional authority leaders: In taking towns to rural peoples in the republic of South Sudan*. Africa World Books Pty Limited.
- Larbi, P.A. K. (2022). *The trajectory of traditional authority in contemporary governance; The Ghanaian experience*. DOI: [10.47772/IJRISS.2022.6505](https://doi.org/10.47772/IJRISS.2022.6505)

GLOSSARY

1. **Figurative language:** The use of metaphors, adjectives, symbols and adverbs in painting the picture for the audience.
2. **Governance:** Refers to the action or manner of governing a state or area.
3. **Patrilineal:** Inheritance relating to or based on relationship to the father or descent through the male line.
4. **Traditional area:** It refers to the territory of customary land which is governed by a traditional leader.

ACKNOWLEDGEMENTS



Ghana Education
Service (GES)



List of Translators

Name	Institution
Afari-Sackey Francis	Bisease S.H.S.
Margaret Mensah	Gomoa Central Education office

GILLBT Support Team

1. Peter Wangara Amoak
2. Ernest Nniakyire
3. Mark Dundaa
4. Gilbert Konlan
5. Richmond Barnes